

INGCULAZI



NEGAZI

Ingculazi ibangwa igciwane uma lingena egazini liyanda emzimbeni. Igciwane libulala amasosha omzimba lapho-ke akusekho ukuvikeleka ezifweni. Isiphetho ukufa. Ukufa kungathatha izinyanga noma iminyaka, kodwa akukho ukulapheka kwaso. Ingculazi ingakubulala uma ingena egazini.

Uma uthola ingculazi, ukufa kuyeza. Kodwa-ke kukhona into esebenzayo emzimbeni njenga manje. Ibulala kakhulu kunengculazi. IBhayibheli likubiza ngokuthi isono, futhi isegazini lakho. Isono sangena ezweni ngendoda yokuqala, uAdamu, futhi sidlulele kuwena. **“Ngakho-ke njengalokho isono sangena ezweni ngamuntu munye, nangesono kwangena ukufa, ngokunjalo ukufa kwafikela abantu bonke, lokhu bonke bonile.”** (KwabaseRoma 5:12) Futhi iBhayibheli lithi, **“Ngokuba bonke bonile, basilalelwe inkazimulo kaNkulunkulu.”** (Roma 3:23)

Lalela isixwayiso sikaNkulunkulu ngesono. **“...umphefumulo owonayo uyakufa.”** (uHezekeli 18:4). **“Ngokuba inkokhelo yesono ingukufa...”** (KwabaseRoma 6:23) **“Ababi bayakubuyela endaweni yabafileyo...”** (Amahubo 9:17) **“Ukufa neHayidese kwaphonswa echibini lomilo. Lokhu kungukufa kwesibili, ichibi lomilo.”** (iSambulo 20:14) Ingculazi ingawubulala umzimba wakho, kodwa isono sizolahla umphefumulo wakho esihogweni. Akukho ukulashwa kwengculazi, kodwa kukhona ukulashwa kwesono.

EBhayibhelini igazi lidingeka ukukhokhela isono. **“...kuyigazi elenza ukubuyisana nomphefumulo.”** (uLevitikusi 17:11) **“... ngaphandle kokuchitha igazi akukho ukuthethelelwa.”** (kumaHeberu 9:22)

Igazi lethu lingcoliswa isono, ngakho-ke ngeke likwazi

ukunikelwa ukususa izono zethu. Kodwa-ke igazi likaJesu, iNdodana kaNkulunkulu lingasusa zonke izono zakho, ngoba akanaso isono, futhi igazi lakhe limsulwa. 1KaJohane 3:5 lithi “... **wabonakaliswa, ukuze asuse izono; akukho-sono kuye.**”

“Kepha uNkulunkulu uyabonakalisa ukusithanda kwakhe ngalokhu ukuthi, siseyizoni uKristu wasifela.” (KwabaseRoma 5:8) **“Esinokuhlangwa kuye ngegazi lakhe, ukuthethelelwa kwezono...”** (KwabaseEfesu 1:7) **“...igazi likaJesu iNdodana yakhe liyasihlambulula ezonweni zonke.”** (1 KaJohane 1:7)

UJesu wanikela ngegazi lakhe ukuhlamba izono zakho, futhi wavuka kwabafileyo ukunikela insindiso. 1 KwabaseKorinte 15:3-4 lithi, “... **uKristu wafa ngenxa yezono zethu njengokwemibhalo, nokuthi wembelwa, nokuthi wavuswa kwabafileyo ngosuku lwesithathu njengokwemibhalo.**” UJesu **“owanikelwa ngenxa yeziphambeko zethu, wavuswa ngenxa yokulungisiswa kwethu.”** (KwabaseRoma 4:25)

Yilokhu iBhayibheli elikushoyo okufuneka ukwenze ukuze usindiswe. Okokuqala, kufanele uphenduke ezonweni zakho. **“Ngalokhu phendukani, niguquke ukuba kuhlanjululwe izono zenu.”** (iZenzo 3:19) Okwesibili, kufuneka ukholwe ukuthi uJesu wafela izono zakho. **“... Kholwa yiNkosi uJesu, yikhona uzakusindiswa wena...”** (iZenzo 16:31) Okwesithathu, kumele wamukele uJesu njengoMsindisi wakho ngokukholwa. **“Kepha bonke abamamukelayo wabapha amandla okuba babe-ngabantwana bakaNkulunkulu, labo abakholwa egameni lakhe.”** (ngokukaJohane 1:12) Okokugcina, udinga ukumbiza ngomthandazo. **“Ngokuba uma uvuma ngomlomo wakho ukuthi uJesu uyinKosi, ukholwa**

enhliziyweni yakho ukuthi uNkulunkulu wamvusa kwabafileyo, uyakusindiswa; ngokuba umuntu ukholwa ngenhliziyo kube-ngukulunga, ngomlomo uyavuma kube-ngokusindiswa.” (KwabaseRoma 10:9-10)

Umukela insindiso kanye kuze kube-phakade. Umukela kanye kuphela ngoba uma ngabe usumamukelile uNkulunkulu uthi, “... **Angisoze ngakuyeka, angisoze ngakushiya.**” (KumaHeberu 13:5) Insindiso eyangunaphakade, ngoba uJesu yena wathi, “**Ngizinika ukuphila okuphakade, azisoze zabhubha naphakade; akakho ongazihlwatha esandleni sami.**” (ngokukaJohane 10:28)

Noma ngabe awukaze uyithole ingculazi angeke ukubalekele ukufa. Ngelinye ilanga uzofa. Ukulindele ukuhlangana noNkulunkulu emva kokufa na? Ngabe usesezonweni zakho, noma zahlanzwa ngegazi likaJesu? IBhayibheli lithi, “... **ozayo kimi angisoze ngamlahlela ngaphandle.**” (ngokukaJohane 6:37) Woza kuJesu manje.



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 8716 (Zulu)

All tracts free as the Lord provides. Not to be sold.